

Հ Ա Ր Յ Ա Ր Ա Ն

Պ Ր Ա Կ - I

Հ Ո Ղ Ա Յ Ի Ն Խ Ն Դ Ի Ր


Կ Ա Ջ Մ Ե Յ

Ս. ՍԱԳՈՂ-ԳԻՒԼԵԱՆ



Կ. ԳՕԼԻՍ

1909



90

ՄՏՈՒՎԱԿ Է 1961 թ.



Արթուրյանի խմբագրություն
Հարավային Ա. Կ. Կրասնոյարսկի
ՍՊԿՆ Պրոբ. - չափախախտիչ
14¹⁰/₁₁ 09 Գ. Նորիս

1072 հայ
խումբ

629011

Գիւղական հասարակութեան մէջ սոցիալիստական պրոպագանդան յաջող կերպով յառաջ մղելու համար՝ հարկաւոր է ի մտոյ ճանաչել գիւղացուն և նրա ստիպողական պէտքերի ու թշուառութիւնների մասին որոշ տեղեկութիւններ ունենալ. — իսկ այդ կարելի է՝ հողային խնդիրները և սրանց հետեւանքը եղող գիւղացիական փոխադարձ յարաբերութիւնները նախապէս լաւ ուսումնասիրած լինելով:

Սոցիալիստական պրոպագանդան ա՛յլ կերպով յառաջ պէտք է տանել քաղաքներում և ճարտարագործական կեդրոններում, բոլորովին ա՛յլ՝ գիւղերում:

Ճարտարագործական միջավայրերում՝ մարդու շահագործումը մարդու ձեռքով ա՛յնքան ցայտուն, ա՛յնքան կարկառուն կերպով է երեւան դալիս, որ պրոպագանդիստի գործը մի առանձին դժուարութեան չի բաղխում: Բաւական է մի քանի խօսքով վերլուծել կեանքը և իրականութիւնը, որի մէջ որ լողում է իր աշխատանքի ոյժը ծախողը, որպէսզի ղնկերային յեղափոխութեան անխուսափելիութիւնը եւ արդարութիւնը հրամայական դատուի: Ու այդպիսի միջավայրում տիրապետող թէզերը պիտի լինին՝ սովամահութիւն բերող վարձադներ, աշխատանքի ժամեր, գործարանական կանոններ, կանանց և երեխաների աշխատանք, տիրոջական շահագործում (յաւելիալ - արժէք), գործադուլ, գործաթող, դասակարգային կռիւ, եւ այլն:

Խնդիրը տարբերում է գիւղական շրջաններում: Սոցիալիստական նախագրերը և պատմութեան նիւթապաշտական հասկացողութիւնը միշտ իրեն ուղեգիր՝ առնելով՝ պրոպագանդիստի նախասիրուած նիւթերը պիտի լինեն՝ հողային սեպհականութեան նախնական և ժամանակակից ձևեր, խոշոր հողատիրութիւն, վարձակալութիւն, մարաբայութիւն, փոքր սեպհականատիրութեան կացութիւն, հողային գրաւադրումներ,

6290
3



Հայկանուստի Գործառնութիւններ, երկրագործական բան-
կաներ, Յղիերի մշակութեան նորագոյն մեթոտներ, եւ այլն :
Պրօպագանդիստը այստեղ որոշ կերպով պէտք է հասկացնի
հողերի կապիտալիզացիայի պրօցեսը, ինչպէս և հողային սեպ-
հականութեան յատ, բայց յատուտ և անխուսափելի կեդրո-
նացումը: Նա՛ ինչպէս քաղաքացի պրօլետարիատին, նոյնպէս
և գիւղական մանր սեպհականատէրերին, մարտններին և
երկրագործական գործաւորներին փոստացի կերպով ցոյց պիտի
տայ, որ միայն և միայն սոցիալիզմի տիրապետութեամբն է,
որ վերջ պիտի գտնի շահագործումը և՛ գիւղական շրջաննե-
րում: — Այխատաւորները իրենց աշխատանքի պտուղը լի ու լի
կարող են վայելել միայն այն ժամանակ, երբ արտադրութեան
գործիքները սեպհականութիւն կը լինեն չաւաքականութեան, —
տանձ եզրակացութիւնը, որին հաւասարապէս պիտի յանգին
բոլոր շահագործուողները՝ ինչ միջավայրի մէջ էլ, որ լինին :

Արդ, պարզ է, որ գիւղական պրօպագանդիստի գործը
աւելի դժուար, աւելի բարդ է, և նրանից աւելի մեծ չափով
պատրաստութիւն է պահանջուում :

— «Եթէ ընկերային խնդիրը մէկ է և դա, իր վերջ-
նական ձևի մէջ, ո՛չ այլ ինչ է, եթէ ո՛չ կապիտալիստական
սեպհականութեան ձևափոխութիւնը ազգային կամ հաւա-
քական սեպհականութեան, հասկանալի է, ուրեմն, թէ ինչո՛ւ
այդ խնդիրը բարդ ձև է առնում մի կարգ երկրորդական այն-
պիսի խնդիրների պատճառով, որոնք իրարուց տարբերում են
միջավայրերի և անհատների ճարտարագործական, երկրագոր-
ծական և վաճառականական դրութեան համաձայն» :

Պօլ Լաֆարգի այս խօսքը գիտական ճշմարտութիւն է,
մասնաւորապէս հողային խնդիրների նկատմամբ :

Ու պրօպագանդիստը ամենամեծ սխալը գործած կը լինի,
երբ միջավայրերի առանձնայատուկ պայմանները կանխապիս-
ուսումնասիրած, ճանաչած չի շինի :

Մի միջավայրի համար կազմուած ծրագիր ո՛չ միայն չի
կարելի կիրարկութեան մէջ դնել մի ան՛յլ միջավայրի մէջ, ուր
երկրագործական, ճարտարագործական, անտեսական բոլորովին

ուրիշ պայմաններ կան, այլ և աղետալի սխալ ի՛նչ կլինէր նրանով առաջնորդուիլը: Այդ մասին կասկած անգամ չի թողնում կառուցկին: Ահա իր խօսքերը:

«Բնացարձակապէս անկարելի կլինէր հողային (ազրարային) միակ ծրագիր մշակել միջազգային ամբողջ Սօցիալ-Դէմօկրատիայի համար, մի ծրագիր՝ որ կարելի լինէր կիրարկութեան մէջ դնել թէ՛ Անգլիայում, թէ՛ Իտալիայում, թէ՛ Նորվեգիայում, թէ՛ Ռուսաստանում և թէ՛ Բելգիայում: Եւ նոյն իսկ շատ դժուար պիտի լինէր հողային միակ ծրագիր մշակել մի մեծ տէրութեան համար: Եւ արդարեւ ես չեմ հասկանում թէ ի՛նչպէս Պրուսիայի և Մեկլեմբուրգի համար կազմուած մի ծրագիր կարող էր պատշաճիլ Վիրթեմբերգին, Բադէնի դքսութեանը, ինչպէս և Լօմբարդիային ու Սիկիլիային:»

Եւ ահա՛ մեր միջաւայրը մանրակրկիտ կերպով ուսումնասիրելու նպատակով է, որ կազմուած է այս ՀԱՐՑԱՐԱՆԸ: — Դրած հարցերին պէտք է այսատիւ ճշդութեամբ պատասխանել, ամէն ինչ, յայտնի բան է, տեղական պայմաններին նկատմամբ: Մենք դիտմամբ շօշափած ենք շատ հարցեր, որոնք թէև դեռ շատ մեծ ծաւալով դոյութիւն չունին մեր իրականութեան մէջ, բայց ցոյց են տալիս այն ուղղութիւնը, որ առել են երկրագործական խնդիրները, — ինչ որ պրօպագանդայի նիւթ էլ կարող է լինել ընկերներին: —

Ուսումնասիրութեան ժամանակ առանձնապէս ուշադրութիւն պէտք է դարձնել տեղական յատուկ պայմանների վրան:

Մի ժողովուրդ, մի դասակարգ լաւ ճանաչելու համար՝ պէտք է այն բաղմակողմանի կերպով ուսումնասիրութեան ենթարկել և ստացած եզրակացութիւնները մի քանի անգամ վերստուգել, — այդ պայմանով է, որ ճշմարտութեան և իրականութեան կարելի է մօտենալ:

15 Յունիս, 1909
Կ. Պօլիս

Ս. ՍԱՊԱԷ-ՔԻՒԼԵԱՆ

Հողատիրական Հարցեր

ՀՈՂԱՅԻՆ ՍԵՊՇԱԿԱՆՈՒԹԻՒՆ

Ա. — Պատմական համառօտ տեղեկութիւններ տուեցէ՛ք այն մասին, թէ ձեր շրջանի հողատէր սեպհականատէրերը ի՞նչ կերպով են ձեռք բերել իրենց անշարժ կայքերը՝ վարելահողեր, արօտատեղիներ, անտառներ, այգիներ, և այլն: — Ձեր տեղեկութիւնները աւելի մանրամասնեցէ՛ք խոշոր հողասիրութեան նկատմամբ:

Բ. — Ձեր շրջանում ի՞նչքան հողատէրեր կան, որոնց հողային սեպհականութեան տարածութիւնը լինի՝

1 դեսիատինից քիչ:

1-10 դեսիատին:

1-50 »

50-100 »

100-1000 »

1000-10,000 և այլն: (*)

Խոշոր, Միջին և Փոքր հողատիրութիւնները հողային ի՞նչ տարածութիւններից են կազմուած համարում՝ ընդհանրապէս, — այդ մասին աւելի հարց ու փորձ արէ՛ք գիւղերում. տուեցէ՛ք թիւը այդպիսի հողատէրերի, շրջանի անունը և բնակիչների ընդհանուր թիւը:

(*) Տարածութեան այդ չափերը կարող էք տալ նաև փուծի, խալվարի, սօմարի, կօտի, էօլչէթի, քիլէի, արտավարի և օրավարի հաշուով, նայելով Թէ՛ր տեղի համար ի՞նչ չափ է գործածւում:

Գ. — Ո՞րքան էր սեպհականատէր հողատէրերի թիւը, ձեր ուսումնասիրած շրջանի մէջ, սրանից 5, 10, 20 և 30 տարի առաջ :

Այդ մասին կարող էք օգտուել շինական դատարանների, թափու մէմուրիի, միջնորդ դատաւորների, երկրագործական հաստատութիւնների և հողային խընդիրների վերաբերեալ մատեաններից :

Դ. — Խոշոր, Միջին և Փոքր հողատէր սեպհականատէրերը ի՞նչքան կալուածատուրք են վճարում. ի՞նչ եղանակով և տարին քանի անգամ :

Ե. — Ձեր շրջանում ի՞նչ ուղղութեամբ է զարգանում հողատիրութիւնը .

Դէպի Շատ Խոշորը (10,000–20,000 դեսիատինից աւելի) :

Դէպի Խոշորը (1000–ից 10,000)

» Միջինը (100–ից 10,000)

» Փոքր (10 ից 100)

» Շատ Փոքրը (1 դեսիատինից վար)

Զ. — Ի՞նչ արժէ հողը այժմս :

Արժէքը աւելանո՞ւմ է, թէ՞ պակասում :

Ի՞նչ արժէր մի դեսիատին հողը սրանից 5, 10, 20 և 30 տարի առաջ :

Է. — Խոշոր կալուածատէրերը իրենք են մշակում իրենց կալուածները, թէ՞ վարձու են տալիս :

Եթէ իրենք են մշակում, ապա ի՞նչպիսի և ի՞նչքան գործաւորներ ու պաշտօնեաներ են պահում :

Ը. — Եթէ կալուածատէրերը իրենք չեն մշակում իրենց հողերը և վարձու են տալիս, — ապա ի՞նչ պայմաններով և ի՞նչ գնով :

Թ. — Ձեր շրջանում կալուածատիրական գիւղեր կա՞ն. — տուեցէք թիւը և անունները :

Փոխադարձ ի՞նչ պայմաններ կան կալուածատէրերի և գիւղացիների միջև : Տուեցէք համառօտ տեղեկութիւններ :

- Ժ. — Հողային սեպհականութեանց վրայ ինչ հարկեր և տուրքեր կան. մանրամասնեցէ՛ք: — Ինչ տարապարհակ աշխատութիւններ ունիք:
- ԺԱ. — Ասացէք մի քանի խօսք հողերի բեղմնաւորութեան մասին:

ԱԳԱՐԱԿԱՊԱՆՆԵՐ ԵՒ ՄԱՐԱԲԱՆԵՐ

Ա. — Ձեր շրջանի մէջ ազարակապաններ (fermier, վարձակալ) կան. ինչքան. քանի՞ դեսիատինի է հասնում նրանց շահագործած հողը:

Ինչ պայմաններով:

Բ. — Ձեր շրջանի մէջ կան մարաբաներ (métayer), Ինչքան: Ինչ կարգադրութիւն ունեն նրանք հողատէրերի հետ. — գրաւոր պայմանագրութիւն կա՞յ, թէ՞ ամէն ինչ բերանացի է կատարում:

Հողերի շահագործման մէջ միայն մարաբաններն են բերում իրենց տաւարը, գործիքները և սերմացուն, թէ՞ հողատէրն էլ է սերմացուի կէսը տալիս:

Կը պատահի՞ որ ամբողջ սերմացուն հողատէրը տայ: Հողատէրը մարաբային տալիս է և՛ բնակարան:

Մարաբայի և հողատէրերի միջև կայացած պայմանագրութեան մի օրինակ նոյնութեամբ կցեցէք ձեր տեղեկագրին՝ եթէ կայ:

Ձեր շրջանում մարաբաների թիւը հետզհետէ շատանում է, թէ՞ նուազում: — Միջին հաշուով՝ ամէն մի կալուածատէր քանի՞ մարաբա ունի:

ՎԱՆՔԱՊԱՏԿԱՆ ԵՒ ՎԱԳՅ ՇՈՂԵՐ

Ա. — Ձեր շրջանում վանխապանկան կամ վագֆ վարելահողեր, արօտատեղիներ, անտառներ. . . կան: Ինչքան է այդ բոլորի տարածութիւնը: Ո՞վ է շահագործում:

Բ. — Վանքապանկան կամ վագֆ գիւղեր կան: Ինչ պայ-

մաններով են շահագործում գիւղացիները: Իւրաքանչիւրը ո՞րքան տարածութիւն ունի այդ հողերից. մանրամասնեցէ՛ք:

ՊԵՏԱԿԱՆ ՇՈՂԵՐ

Ա. — Ձեր շրջանում կա՞ն պետական հողեր (արագի էմիրիէ): Պետական հողերի վրայ հաստատուած ի՞նչքան գիւղեր կան. — անուանեցէ՛ք: Ի՞նչ պայմաններով են օգտուած գիւղացիք այդ հողերից: — Աշխատեցէ՛ք ճշտիւ տալ իւրաքանչիւր գիւղացու այդպիսի հողերից օգտուած տարածութեան չափը:

ԱԶԱՏ ՇՈՂԵՐ

Ա. — Ձեր շրջանում կա՞ն ազատ (արագի մէվատ, չրուուած, չգրաւուած) հողեր. ի՞նչքան է դրանց տարածութիւնը մօտաւորապէս: Կարելի՞ է օգտուել այդ հողերից. ինչի՞ համար: Սեպհականացնելու կամ շահագործելու առանձին արգելքներ կա՞ն. — Ի՞նչ:

ՀԱՄԱՅՆԱԿԱՆ ՇՈՂԱՏԻՐՈՒՅԻՒՆ

Ա. — Ձեր շրջանում կա՞յ համայնական հողատիրութիւն (արագի մէթրուքիէ):

Համայնական հողատիրութիւնը քայքայւո՞ւմ է. ի՞նչպէս:

Կա՞ն անտառներ, արօտատեղիներ, մշակելի հողեր, ջրաւազաններ, և այլն, որ միմիայն համայնքին պատկանեն:

Բ. — Ի՞նչքան է այդ հողերի տարածութիւնը:

Ի՞նչպէս են շահագործում:

Այդ բոլորը ամբողջ համայնքի տրամադրութեան տակն է գտնուում:

Համայնական հողերը ի՞նչպէս են բաժանոււմ ընակիչներին. — լուծքի՞, թէ՞ շունչի համեմատ :

Համայնքին պատկանող հողերը տրւո՞ւմ են սոսկական անհատի՞ շահագործման համար. — ի՞նչ պայմանով :

Կա՞ն օրինակներ, երբ համայնքը ինքը հողերը շահագործէ և արդիւնքը բաժանէ. — ի՞նչ ձեւով :

Հողերը ուղղակի համայնական թէ՞ անհատական բնաւորութիւն ունեն :

Համայնական հողերը մեծացնելու միտոււմ կա՞յ : Համփայի, կէս համփայի և քառորդի դրութիւն կա՞յ ձեր շրջանում : — Նկարագրեցէ՛ք այդ դրութիւնը իւր բոլոր մանրամասնութեան մէջ՝ եթէ կայ :

Ս Ա Կ Ա Ի Ա Շ Ո Ղ Ո Ի Թ Ի Ի Ն

Ա. — Ձեր շրջանում սակաւահողութիւն կա՞յ. — եթէ այո՞, տուեցէ՛ք պատճառները : — Սակաւահող գիւղացիները ի՞նչ կերպով են լրացնում իրենց պիտոյքները. — մանրամասնեցէ՛ք :

Բ. — Գիւղացուն բաւականաչափ հող ունենալու, և իր վիճակը շատ ու քիչ բարւոքելու համար, ի՞նչ միջոցներ էք առաջարկում՝ ձեր շրջանում :

Գ Ա Ղ Թ Ա Կ Ա Ն Ո Ի Թ Ի Ի Ն

Ա. — Գիւղերի ազգաբնակչութիւնը աւելանո՞ւմ է, թէ՞ պակասում. — բերեցէ՛ք օրինակներ :

Բ. — Ի՞նչի՞ն էք վերադարձում այդ նուազումը կամ աւելացումը :

Գ. — Երիտասարդները ընդհանրապէս գիւղն են մնում, թէ՞ քաղաքները պանդխտում :

Դ. — Տնով-տեղով գաղթողներ կա՞ն. տուեցէ՛ք գաղթականութեան և պանդխտութեան պատճառները : — Ձինուորական ծառայութիւնից արձակուած երիտա-

սարդները աւելի նախընտրում են գիւղը մնալ, թէ՛ քաղաքները երթալ :

Ե. — Ձեր շրջանից ուրիշ տեղեր աշխատանքի համար պանդխտողների թիւը ռժքանի է հասնում. և ռժքան վերադարձողներինը, Երկու պարագային էլ աչքի առաջ ունեցէ՛ք 1, 2, 3, 4 և 5 տարուան շրջաններ :

Զ. — Դրսից եկողներ (մուածիր) կա՞ն ձեր շրջանում: Հողային խնդիրների տեսակէտից ի՞նչ հետեւանք ունեցաւ այդ ներգաղթը :

ԵՐԿՐԱԳՈՐԾԱԿԱՆ ԱՐՏԱԴՐՈՒԹԻՒՆՆԵՐ

Ա. — Ձեր շրջանում երկրագործական ի՞նչ արտադրութիւններ կան. — խաղճի, ցորեն, գարի, կորեկ, եգիպտացորեն, — վարսակ, գլգըլ, խոտ, ճակնդեղ, գետնախինձո՞ր, բրինձ. . . կաթ, կարագ, պանիր. . . ծխախոտ. . .

Չոր մրգեղէններ. . . բանջարեղէններ. . . ծառեր. . . փայտ. . . Շաղիկ. . . ձիթենի, թթենի, բամբակ, . . . ձի, կով, եգ, ոչխար, գոմէ՛շ, խոզ, հնդկահա՛ւ, սագ, բա՛ղ, հա՛ւ, աղաւնի . . . — անուանեցէ՛ք մանրամասնօրէն .

Տեղեկագրեցէ՛ք թէ ի՞նչ բերքեր և արտադրութիւններ յատուկ են միայն ձեր շրջանին :

Ո՞րքան է ստանում Շատ Փոքր, Փոքր, Միջին, Խոշոր և Շատ Խոշոր հողատիրութիւնը այդ արտադրութիւններից :

Դրանց շահագործումը ի՞նչքան արժէ տէրերի համար :

Արտադրութեան տեսակի մէջ ձեւափոխութիւն կա՞յ (օրինակ՝ հացաբոյսերի համար եղած վարելահողերը մարգագետնի վերածուած, այգիներ՝ զանազան հացաբոյսերի, թթաստաններ՝ փոխանակ արօտավայրի, և այլն) :

Բ. — Մշակութեան համար ի՞նչ կենդանիներ են գործածուում.
Թուով ո՞րքան :

Կա՛ն աշխատաւորներ. ի՞նչքան :

Ի՞նչ է աշխատանքի պայմանները :

Գ. — Թուեցէք թէ հողի մշակութեան տեսակէտով ի՞նչ բա-
րելաւութիւն կայ յառաջացած ձեր շրջանում :

Դ. — Ձեր համայնքի կամ շրջանի մէջ կա՞ն տիրող սովորու-
թիւններ, որոնց համաձայն գիւղացիները իրարու փո-
խողարձ ծառայութիւններ մատուցանեն տարուայ
յայտնի ժամանակներում. օրինակ՝ «փոխարայ բանել»,
«միջին», «խապ», («փոխ տալ»), և այլն :

Երկրագործական գործիքներ, կենդանիներ իրարու
փոխ տալու սովորութիւններ կա՞ն, — նկարագրեցէք
մանրամասնօրէն : —

Ե. — Արտադրողները իրենց արտադրոյթը ուղղակի սպառո-
ղի՞ն են վաճառում, թէ՞ միջնորդների :

Նկարագրեցէք հանգամանօրէն շրջապատող շու-
կաների ընաւորութիւնը, ծախելու եղանակը և գինը : —
Տեղական և պարբերական տօնավաճառներ՝ (հաւթա-
բազարներ) կա՞ն :

Կազմեցէք արտադրութիւնների մանրամասն տե-
ղեկագիրը, նշանակեցէք վաճառականական և տնտե-
սական տազնապնների մասին, ցոյց տուեցէք սրանց
ընտրող դրդապատճառները, գոյութիւն ունեցող
մրցակցութեան ընաւորութիւնը :

Զ. — Ձեր շրջանի ո՞ր արտադրութիւնը ազգաբնակչութեան
պէտքերին լիովին բաւարարութիւն է տալիս. ո՞րը՝ ո՛չ :

Ի՞նչ է արտահանում, և ո՞ւր, ի՞նչ է ներմուծում,
և ո՞րտեղից :

ԵՐԿՐԱԳՈՐԾԱԿԱՆ ՄԵՔԵՆԱՆԵՐ

Ա. — Շատ Փոքր, Միջին, Խոշոր և Շատ Խոշոր հողատէրերը
օգտուո՞ւմ են երկրագործական ներկայ մեքենաներից :

Բ. — Ի՞նչ գործիքներ են գործածուում. — պարզ արօ՞ր, գուլթա՞ն, մանգե՞ռ, տափա՞ն, մանգա՞ղ, ջարջա՞ռ, կամիս, փո՞ցխ, գերանդի՞, բա՞հ, հոսի՞, մատի՞կ . . .

Ձեր շրջանում գործ են անում երկրագործական նորագոյն մեքենաներ և գործիքներ, — ինչպէս են՝ երկկտփի, բազմախոփի և խորահերկիչ արօրներ, կամնող մեքենայ, ցանող մեքենայ, արմատներ անկող մեքենայ, պարարտացուցիչ նիւթեր սփռող մեքենայ, հնձող մեքենայ, քամու տուող (էրան անող) մեքենայ, նորագոյն տրմուղ, բամբակի մեքենայ, և այլն :

Գ. — Այդ հողատէրերը գործ են անում ելէքտրաշարժիչներ (moteur), պետրուաշարժիչներ կամ գազաշարժիչներ :

Կահալիժող ջրերի ուժից օգտուողներ կա՞ն ձեր շրջանում. ինչի՞ համար :

Ձեր շրջանում կա՞ն օրինակներ, երբ համայնքի բոլոր անդամները միասին, կամ նրա փոքր արտադրող մասը միայն, իրարու հետ միանալով՝ նորագոյն երկրագործական մի կամ մի քանի մեքենաներ գնեն ընդհանրութեան գործածութեան համար :

Ի՞նչ տեսակի են այդ մեքենաները :

Դ. — Այդ գործիքներից և մեքենաներից ամէ՞նքը հաւասարապէս կարող են օգտուել, թէ՞ միայն գնելուն մասնակցողները. իսկ գնելուն չմասնակցողներին կամ կարողութիւն չունեցողներին վարձու կամ ձրի օգտուելու տրուուում է :

Ե. — Ձեր շրջանի բոլոր տեսակի արտերը ջրաբի՞ են, թէ՞ անջրգի :

Ոռոգման գործը ի՞նչ հիմունքների վրայ է դրուած. — Ջրաբաշխ (ջիւար) պահելու սովորութիւն ունէ՞ք, Համփայի, կէս համփայի և քառորդի իրաւունքով ջրերից օգտուելու դրութիւն կա՞յ. — նկարագրեցէ՞ք մանրամասնօրէն :

Կա՞ն ձեր շրջանում հաւաքական կազմակերպութիւններ (ընկերակցութիւններ) ջրերից օգտուելու՞ մըշակութեան համար :

Չ. — Գինեգործութեան համար ի՞նչ անօթներ և գործիքներ կան ձեր շրջանում. — Փոքր, Միջին և Խոշոր սեպհականատէր այգեգործները ունի՞ն իրենց տրամադրութեան տակ նորագոյն ճմլիչ և քամիչ մեքենաներ. . .

Է. — Այգեկութի ի՞նչ սովորութիւններ կան :

Արտերից հասկաքաղ անելու և կթուած (քաղուած) այգիներից «ճրճոտ անելու» (ճաքաղ անել, պտուղ անել) սովորութիւններ դեռ կա՞ն : — Ուրիշ ի՞նչ սովորութիւններ, որ «չունեցողները» օգտուէին :

ՊԱՐԱՐՏԱՅՈՒՅԻՋ ՆԻԹԵՐ, ՍԵՐՄ, ԱՊԱՀՈՎԱԳՐՈՒՅԻՒՆ

Ա. — Ձեր շրջանում պարարտացուցիչ նիւթեր դո՞րձ են ածում. ի՞նչ նիւթեր և ո՞րտեղից :

Բ. — Անասունների, հացաբոյսերի, ծառերի և որթատունկերի ի՞նչ հիւանդութիւններ ու հարուածներ են պատահում յաճախ. — ի՞նչ հետևանք են յառաջացում այդ բու՞լորը :

Ասացէք մի քանի խօսք կլիմայի և հողի տեսակի մասին :

Գ. — Սերմերը տեղակա՞ն են, թէ՞ դրսից բերուած. սերմերը ազնուացնելու միտումն կա՞յ : Սերմեր ցանելու ի՞նչ եղանակներ կան ձեր շրջանում : Ո՞ր տեղի սերմերին էք գերազանցութիւն տալիս. ինչո՞ւ :

Դ. — Ընդհանուր միտում կա՞յ հունձը ապահովագրել՝ հրկիշումի, կարկտի, մորեխի. . . դէ՞մ : Տաւարները ապահովագրելու սովորութիւն կա՞յ :

Ապահովագրական ընկերութիւններ կա՞ն ձեր շրջանում. — ի՞նչ է ապահովագրութեան սակագինը :

ԳՐԱՎԳՐՈՒՄՆԵՐ, ԵՐԿՐԱԳՈՐԾԱԿԱՆ ՎԱՐԿ

Ա. — Հողատէրերը իրենց հողերը գրաւի դնելու սովորութիւն ունի՞ն (Շատ Փոքրե՞րը, Փոքրե՞րը, Միջինները, Խոշորները, Շատ Խոշորները) :

Որո՞նց մօտ են գրաւի դնում ընդհանրապէս :

Բ. — Ո՞վ է փոխ դրամ տալիս երկրագործին. կա՞ն բանկային հաստատութիւններ այդ նպատակի համար. ի՞նչ է տոկոսը. ի՞նչպիսի վաւերաթղթերով է փոխատուութիւնը կատարւում. քանի՞ արժէ այդ բոլորը :

Գ. — Պարտքի փոխարէն անշարժ կայքերի գրաւումն յաճախ է պատահում :

Հարուածը հողատէրերի ո՞ր տեսակին է աւելի պատահում :

Ի՞նչպէս և ի՞նչ գնով է լինում վաճառումը :

Դ. — Կա՞ն ձեր շրջանում վարկային հաստատութիւններ, ունե՞ն նրանք հողեր, որ խլուած լինէին գիւղացիների պարտքի փոխարէն ու այդ բոլորը շահագործուէին նոյն այդ հաստատութիւնների կառավարիչների և պաշտօնեանների ձեռքով :

ԳՈՐԾԱԿՑԱԿԱՆ ԸՆԿԵՐՈՒԹԻՒՆՆԵՐ

Ա. — Ձեր շրջանի մէջ Երկրագործական Գործակցական ընկերութիւններ կա՞ն :

Բ. — Այդ Գործակցական ընկերութիւնները արտադրութեան նպատակով են, թէ՞ իրենց արտադրութիւնները ծախելու կամ պարարտացուցիչ նիւթեր և կամ մեքենաներ ձեռք բերելու համար են, և այլն :

Գ. — Բազկացած են դրանք Խոշոր, Միջին, թէ՞ Փոքր մշակողներից :

Տուեցէք գործնական մանրամասնութիւններ այդ ընկերակցութիւնների նպատակների և գործառնութիւնների մասին :

ԵՐԿՐԱԳՈՐԾԱԿԱՆ ՊՐՕԼԵՏԱՐԻԱՍԸ

Ա. — Երկրագործական գործաւորները ի՞նչ դրութիւն ունին ձեր շրջանում :

Բարելաւուո՞ւմ է նրանց վիճակը, թէ՞ վատթարանում :

Բ. — Նրանց թիւը շատանձում է, թէ՞ քչանում :

Ձեր շրջանի մէջ՝ երկրագործական աշխատանք կատարելու համար՝ աշխատատեղեր բազուկները առաւելութիւն թէ՞ պակասութիւն կայ :

Գործաւորները (մշակ, սարակ) ի՞նչպէս են վարձւում՝ օրուան, շաբթուան, ամսուան, տարուայ մի եղանակի՞, թէ՞ ամբողջ տարուայ համար :

Տուեցէք համառօտ տեղեկութիւններ մաճկալների, հօտաղների, նախրապանների, հովիւների, հորթարածների, ուլարածների և ծառանների մասին :

Ե. — Ձեր շրջանի մէջ օրական ի՞նչքան ապրուստի դրամ է պէտք երկրագործական մի գործաւորի համար :— Մշակի, սարակի, քաղուորի . . . հացը իրենից է թէ՞ գործատէրից :

Զ. — Երկրագործային գործաւորները տուն, պարտէզ, հող ունե՞ն :

Ի՞նչքանի կը հասնի դրանց արժէքը :

Ի՞նչ արդիւնք են ստանում իրենց հողից :

Նկարագրեցէք լուծք չունեցողների, «ճըվալակներ», «ճիպտահօտաղների» դրութիւնը, ինչպէս և հանտապահների (ղօրուխլիների) :

Է. — Զմեռուան և ամառուան վարձագների մէջ տարբերութիւն կա՞յ :

Ի՞նչ տարրից է բաղկանում վարձադրութիւնը, — բերքով թէ՞ դրամով, թէ՞ կէս մաս դրամ, կէս մաս բերք :

Ը. — Ձեր շրջանում կա՞ն գործաւորներ, որ գալիս են ուրիշ շրջաններից կամ հեռաւոր տեղերից, որոնք միայն ժամանակաւորապէս են աշխատում՝ հունձքի, այգեկութի, այգիները փորելու, բոստաններ ցանելու համար, և այլն, և ապա վերադառնում են իրենց տեղերը :

Ո՞ր շրջաններից են գալիս :

Թ. — Օրական քանի՞ ժամ են աշխատում երկրագործական աշխատաւորները :

Փ. — Երկրագործական աշխատաւորների համար կողմնակի ուրիշ զբաղմունքներ կա՞ն, ի՞նչ :

- ԺԱ. — Երկրագործական աշխատանքների համար՝ կին, աղ-
ջիկ, տղայ գո՞րծ է ածւում :
- ԺԲ. — Տղաները քանի՞ տարեկանից են սկսում աշխատիլ .
ի՞նչ է նրանց գործը :
- ԺԳ. — Երկրագործական բերքերի տեղափոխութիւնները ին-
չերո՞վ են կատարւում. — սայլերո՞վ, անասուններո՞վ . . . :
- ԺԴ. — Ասացէ՛ք մի քանի խօսք թէ գիւղական գործաւորների
և թէ գիւղացիների բարոյականութեան մասին՝ ման-
րամասն թուելով գոյութիւն ունեցող արատները. այդ
արատները վերացնելու ի՞նչ միջոցներ էք առաջարկում :

ԵՐԿՐԱԳՈՐԾԱԿԱՆ ՍԷՆԴԻԿԱՏՆԵՐ

- Ա. — Ձեր շրջանում երկրագործական կամ գինեգործական
սէնդիկատներ կա՞ն :
- Ո՞րքան է դրանց թիւը, ո՞րքան են մասնակցողները :
Սէնդիկատները կազմում են Փո՞քր, Միջի՞ն, Խո-
շո՞ր սեպհականատէրերը, թէ՞ դրանք կալուածատէրերի
պարզ սէնդիկատներ են, որ նստատակ ունեն իրենց
շահերը պաշտպանել գործաւորների դէմ. թէ՞ դրանք
գործաւորական սէնդիկատներ են՝ տէրերի դէմ պաշտ-
պանուելու համար : Կա՞ն խառն սէնդիկատներ, այսինքն
գործաւորներից և սեպհականատէրերից բաղկացած :
- Բ. — Եթէ երկրագործական գործաւորական սէնդիկատներ
կան, ցոյց տուեցէ՛ք նրանց բերած փոփոխութիւնները
գործաւորի վարձագնի և աշխատանքի պայմանների
թեթեւացման մասին :
- Գ. — Եղե՞լ են գործադուլներ երկրագործական գործաւոր-
ների կողմից :

Ջ Ա Ն Ա Ջ Ա Ն

Ա. — Ձեր շրջանի մէջ քաղաքական ի՞նչ կուսակցութիւններ կան :

Ազգաբնակչութեան ո՞ր մասն է նրանց ծրագրին յարած :

Փոքր սեպականատէրերը յարե՞լ են սօցիալիզմին :

Բ. — Գիւղական ընթերցարաններ, գրադարաններ ունի՞ք :

Գ. — Ունի՞ք կրթական ընդհանուր և երկրագործական մասնաւոր հաստատութիւններ : Ի՞նչ տեսակ :

Դ. — Ձեր շրջանում շրջիկ դասախօսներ գալի՞ս են .— Ի՞նչ նիւթեր են աւելի հետաքրքրում գիւղացիներին :

Ե. — Կա՞ն տիպար ազարակներ, տնկարաններ, անասնաբուժարաններ, հիւանդանոցներ, և այլն :

Զ. — Երկրագործական մասնագիտական (պրոֆէսիօնալ) կրթութիւնը ի՞նչ վիճակի մէջ է :

Է. — Պետական պիւտլէից ի՞նչ գումար է յատկացուած ձեր շրջանի երկրագործական պէտքերին :

Երկրագործութեան հետ կապ ունեցող պետական ի՞նչ ձեռնարկներ կան :

Ը. — Ձեր շրջանում հասարակական շտեմարաններ կա՞ն :

Թ. — Բացակայականութեան (absentéisme) երեւոյթը մեծ ծաւալ ունի՞ ձեր շրջանում :

Ժ. — Կա՞ն հարցեր որ ներկայ հարցաւանի մէջ անտես են առնուած :

[Արտատպուած «ՀնՋԱԿ»ից, № 7, 1907]



ԳԱՍ Հիմնարար Գիտ. Գրադ.



FL0015542

~~504~~ - 504

A ^{II}
10676